



Siverth K. Heilmann

UKA 2022/97-1

Atassut

10. November 2022

Sapigalinnut ulluinnarni nerisassat nioqqutissat nunatsinnut ajornannginnerusumik eqquossinnaalernissaannut Naalakkersuisut nalunaarusioqqullugit peqquneqarnissaat pillugu Inatsisartut aalajangiiffigisassaattu siunnersuut. Nunaniit allaniit nioqqutissat taakku eqquossinnaanissaannut inatsisitigut qanoq allannguissaq pisariaqarnersoq, qanorlu akimikkut Danmarkimiit nioqqutissanut unammillernerusinnaalersinnaaneri nalunaarusiamut ilanngunneqassapput. Nalunaarusiaq kingusinnerpaamik UKA 2023-imi Inatsisartunut agguanneqassaaq.

(Inatsisartuni ilaasortaq Aqqalu C. Jerimiassen, Atassut)

Inatsisartuni ilaasortap Aqqalu C. Jerimiassen, Atassut qulaani qulequttamut soqutiginarluinnartumik saqqummiussaqaarninnut qujanaq, imatullu Atassummiit naatsumik oqaaseqarfigissavarput.

Siunnersuuteqartoq tunngavilersornermini ilumoorluinnarpoq, inoqarfinni arlalissuarni sapigalinnut nioqqutissanik amigaateqarsimanerujussuaq pillugu, pingaartumillu sikusartumi najugaqartuni, tusagassiorfitsigut oqallisigineqarnera tusartarsimagipput.

Taamatullu nalaataqartoqartarnera aatsaat pilinngilaq, taamaattumillu siunnersuuteqartup, nunaniit allaniit sapigalinnut nioqqutissat eqquossorneqarsinnaaneranut aqquutissiuusserusunneralu pisariaqarluinnartut Atassummiit taperserparput.

Taamatut naatsumik oqaaseqarfigalugu, suliap aappassaaneerreqartigani ataatsimiititaliamut susassaqtup ingerlaqqaarnissaaq Atassummiit inassutigissavarput.

Qujanaq.